



ЎЗБЕКИСТОН РЕСПУБЛИКАСИ МАРКАЗИЙ САЙЛОВ КОМИССИЯСИНING ҚАРОРИ

№ 989

2019 йил «26» ноябрь

Хорижда истиқомат қилаётган Ўзбекистон Республикаси фуқароларининг сайловга оид ҳуқуқларини таъминлаш юзасидан қўшимча чора-тадбирлар тўғрисида

Ўзбекистон Республикаси Марказий сайлов комиссияси томонидан хорижда истиқомат қилаётган Ўзбекистон Республикаси фуқароларининг сайловга оид ҳуқуқларини тўлиқ таъминлашга доир тадбирлар амалга оширилмоқда.

Хусусан, Ўзбекистон Республикасининг хорижий давлатлардаги дипломатик ваколатхоналари ва консуллик муассасалари ҳузурида 55 та сайлов участкалари ташкил этилди ва улар Тошкент шаҳрида тузилган Ўзбекистон Республикаси Олий Мажлиси Қонунчилик палатаси депутатлари сайловини ўтказувчи 12 та сайлов округларига бириктирилди.

Ўзбекистон Республикасининг чет давлатлардаги дипломатик ваколатхоналари ва консуллик муассасалари ҳузурида сайлов участкаларини ташкил этиш тартиби тўғрисидаги низом тасдиқланиб, хорижий давлатларда истиқомат қилаётган Ўзбекистон Республикаси фуқароларининг сайловга оид ҳуқуқларини тўлақонли рўёбга чиқаришнинг ҳуқуқий асослари яратилди.

Ўзбекистон Республикаси Ташқи ишлар вазирлигининг расмий веб-сайти орқали хорижда яшаётган Ўзбекистон Республикаси фуқароларини сайловчилар рўйхатига киритиш тўғрисида электрон шаклда мурожаат қилиш имконияти яратилди.

Хорижда яшаётган фуқароларнинг сайловга оид билимларини ошириш учун “Saylov 2019” мобил иловаси, сайловчиларга уларнинг сўровлари асосида қўшимча ахборот бериш мақсадида Марказий сайлов комиссиясининг “Ишонч телефони” (+99855-502-44-44) ишга туширилди.

Ўзбекистон Республикаси Сайлов кодексининг 14 ва 16-моддаларига мувофиқ ҳамда хорижда истиқомат қилаётган Ўзбекистон Республикаси фуқароларининг сайловга оид ҳуқуқларини таъминлаш мақсадида Ўзбекистон Республикаси Марказий сайлов комиссияси

ҚАРОР ҚИЛАДИ:

1. Ўзбекистон Республикаси Ташқи ишлар вазири А.Камиловнинг хорижий давлатлардаги дипломатик ваколатхоналар ва консуллик муассасаларда сайловларни ташкил этиш борасида амалга оширилган ишлар ҳақидаги ахбороти маълумот учун қабул қилинсин.

2. Хорижий давлатлардаги Ўзбекистон Республикасининг дипломатик ва бошқа ваколатхоналарида 2019 йил 22 декабрда бўладиган сайловларни самарали ташкил этиш бўйича Ҳаракатлар режаси иловага мувофиқ тасдиқлансин.

3. Ўзбекистон Республикаси Вазирлар Маҳкамаси ҳузуридаги Давлат персоналлаштириш маркази Ўзбекистон Республикаси Давлат хавфсизлик хизмати Чегара кўшинлари билан ҳамкорликда хорижий давлатларга чиқиб кетган Ўзбекистон Республикаси фуқароларининг рўйхатини аниқлаштирасин ҳамда ушбу маълумотларни Ташқи ишлар вазирлиги ва Ахборот технологиялари ва коммуникацияларини ривожлантириш вазирлигига тақдим қилсин.

Ўзбекистон Республикаси Ахборот технологиялари ва коммуникацияларини ривожлантириш вазирлиги хорижий давлатларга чиқиб кетган Ўзбекистон Республикаси фуқаролари тўғрисидаги маълумотлар асосида “Сайловчиларнинг ягона электрон рўйхати” ахборот тизимига тегишли тузатишлар киритсин.

4. Ўзбекистон Республикаси Ташқи ишлар вазирлиги хорижий давлатларда Ўзбекистон Республикаси фуқаролари учун муддатидан олдин ва сайловчилар турган жойда кўчма сайлов қутиларида овоз беришни ташкил этишга кўмаклашиш ва рухсат бериш масаласида зарур ҳолларда хорижий давлатларнинг ваколатли давлат органлари ёки бошқа ташкилотлари билан ҳамкорлик қилсин.

5. Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Ўзбекистон Миллий телерадиокомпанияси, Электрон оммавий ахборот воситалари миллий ассоциацияси, Ўзбекистон миллий ахборот агентлиги, “Дунё” ахборот агентлиги билан биргаликда хорижда истиқомат қилаётган Ўзбекистон Республикаси фуқароларининг сайловга оид ҳуқуқларини таъминлаш масалаларини оммавий ахборот воситаларида кенг ёритиб борилишини таъминласин, шу жумладан хорижий давлатларда истиқомат қилаётган Ўзбекистон Республикаси фуқароларини муддатидан олдин ва хориждаги сайлов участкаси биносидан ташқарида кўчма сайлов қутилари орқали овоз бериш тартиби тўғрисида оммавий ахборот воситалари, ижтимоий тармоқлар ва мобил мессенжерлар орқали хабардор қилсин.

6. Ўзбекистон Республикаси Марказий сайлов комиссияси Котибияти Ўзбекистон Республикаси Ташқи ишлар вазирлиги билан биргаликда хорижий давлатларда тузилган сайлов участкаларини сайловга оид ҳужжатлар, адабиётлар ва бошқа жиҳозлар билан таъминлаш масаласини ўз вақтида ҳал қилсин.

7. Ушбу қарор Ўзбекистон Республикаси Марказий сайлов комиссиясининг расмий веб-сайтида эълон қилинсин.

8. Мазкур қарорнинг ижросини назорат қилиш Ўзбекистон Республикаси Марказий сайлов комиссияси раисининг ўринбосари М. Истамов зиммасига юклансин.

Раис

М. Абдусаломов

*Кўчма сайлов қутисини пломбалаш тўғрисида
далолатнома намунаси*

**Ўзбекистон Республикаси Олий Мажлиси Қонунчилик палатасига сайлов
ўтказувчи _____-сон хориждаги участка сайлов комиссиясининг
ДАЛОЛАТНОМАСИ**

20__ йил __ декабрь

Тошкент шаҳри

Қатнашдилар:

Участка сайлов комиссияси аъзолари

Ушбу далолатнома сайлов кўчма қутисини пломбалаш тўғрисида.

Ўзбекистон Республикаси Марказий сайлов комиссияси томонидан белгиланган тартиб асосида сайловчиларнинг турган жойида муддатидан олдин овоз бериш бўйича кўчма қутиси қуйидаги пломбалар билан:

1. _____-сонли;
2. _____-сонли;
3. _____-сонли;
4. _____-сонли;
5. _____-сонли пломбалар билан пломбаланди.

___-Участка сайлов комиссияси аъзоси:

(Ф.И.О)

(имзо)

___-Участка сайлов комиссияси аъзоси:

(Ф.И.О)

(имзо)

ЎЗБЕКИСТОН РЕСПУБЛИКАСИ ОЛИЙ МАЖЛИСИ ҚОНУНЧИЛИК ПАЛАТАСИ ДЕПУТАТЛАРИ САЙЛОВИ
ВЫБОРЫ В ЗАКОНОДАТЕЛЬНУЮ ПАЛАТУ ДЕПУТАТЫ ОЛИЙ МАЖЛИСА РЕСПУБЛИКИ УЗБЕКИСТАН

САЙЛОВЧИЛАР РЎЙХАТИДАН КЎЧИРМА

__ - Олий Мажлис Қонунчилик палатаси депутатлари сайлов округи
_____ - избирательный округ по выборам депутатов Законодательной палаты Олий Мажлиса

20__ йил _____
(сайлов санаси)

_____ 20__ года
(дата выборов)

_____-СОН ХОРИЖДАГИ САЙЛОВ УЧАСТКАСИ
ИЗБИРАТЕЛЬНЫЙ УЧАСТОК ЗА РУБЕЖОМ _____

(Муддатидан олдин овоз беришни ўтказиш жойи)
(место проведения досрочного голосования)

Т/р	Фамилияси, исми, отасининг исми	Туғилган санаси	Паспорт серияси ва рақами	Қонунчилик палатасига сайлов бўйича бюллетенини олганлиги ҳақидаги имзоси
П/п	Фамилия, имя, отчество	Дата рождения	Серия и номер паспорта	Подпись избирателя о получении избирательного бюллетеня по выборам в Законодательную палату
1.				
2.				
3.				
4.				
5.				

Т/р	Фамилияси, исми, отасининг исми	Туғилган санаси	Паспорт серияси ва рақами	Конунчилик палатасига сайлов бўйича бюллетенини олганлиги ҳақидаги имзоси
П/п	Фамилия, имя, отчество	Дата рождения	Серия и номер паспорта	Подпись избирателя о получении избирательного бюллетеня по выборам в Законодательную палату
6.				
7.				
8.				
9.				
10.				
11.				
12.				
13.				
14.				
15.				
16.				

___-Участка сайлов комиссияси аъзоси:

(Ф.И.О)

(имзо)

___-Участка сайлов комиссияси аъзоси:

(Ф.И.О)

(имзо)

*Участка сайлов комиссиясида сайлов
бюллетенларини комиссия аъзоларига
тақсимлаб бериш далолатномасининг намунаси*

**Ўзбекистон Республикаси Олий Мажлиси Қонунчилик палатасига сайлов
ўтказувчи _____-сон хориждаги участка сайлов комиссиясининг**

ДАЛОЛАТНОМАСИ

20__ йил __ декабрь
шаҳри

Тошкент

Ушбу далолатнома участка сайлов комиссияси раиси ва аъзоси ўртасида сайлов бюллетенларини топшириш ва қабул қилиб олиш тўғрисида тузилди.

Қуйидаги:

Ўзбекистон Республикаси Олий Мажлисининг Қонунчилик палатаси сайлови бўйича _____ та сайлов бюллетенларини топширилди ва қабул қилиб олинди.

__-Участка сайлов комиссияси раиси: _____
(Ф.И.О)

Топширдим _____
(имзо)

__-Участка сайлов комиссияси аъзоси: _____
(Ф.И.О)

Қабул қилдим _____
(имзо)

*Сайлов бюллетени солинган махсус қопни
пломбалаш тўғрисида далолатнома намунаси*

**Ўзбекистон Республикаси Олий Мажлис Қонунчилик палатасига сайлов
ўтказувчи _____-сон хориждаги участка сайлов комиссиясининг
ДАЛОЛАТНОМАСИ**

20__ йил __ декабрь
шаҳри

Тошкент

Қатнашдилар:

Участка сайлов комиссияси аъзолари

Ушбу далолатнома сайлов бюллетени солинган махсус қопни пломбалаш тўғрисида.

Ўзбекистон Республикаси Марказий сайлов комиссияси томонидан белгиланган тартиб асосида сайловчиларнинг турган жойида муддатидан олдин овоз бериш бўйича сайлов бюллетенлари солинган махсус қопларни қуйидаги пломбалар билан:

1. _____-сонли;
2. _____-сонли;
3. _____-сонли;
4. _____-сонли;
5. _____-сонли пломбалар билан пломбаланди.

__-Участка сайлов комиссияси аъзоси:

(Ф.И.О)

(имзо)

__-Участка

сайлов

комиссияси

аъзоси:

(Ф.И.О)

(имзо)

__-Участка сайлов комиссияси раиси:

(Ф.И.О)

Қабул қилдим

(имзо)

**Хорижий давлатлардаги Ўзбекистон Республикасининг дипломатик ва бошқа ваколатхоналарида
2019 йил 22 декабрда бўладиган сайловларни самарали ташкил этиш бўйича
ҲАРАКАТЛАР РЕЖАСИ**

Ҳаракатлар кетма-кетлиги	Ҳаракатлар номи	Бажариш муддати (вақти)	Масъул ижрочилар
I. Сайловчилар рўйхатини тузиш ва сайловга тайёргарлик кўриш			
<p>Сайловчиларнинг бирламчи рўйхатини тузиш</p>	<p>1. Ўзбекистон Республикаси Вазирлар Маҳкамаси ҳузуридаги Давлат персоналлаштириш маркази (ДПМ) хорижий давлатларга чиқиб кетган Ўзбекистон Республикаси фуқаролари тўғрисидаги маълумотларни мамлакатлар кесимида шакллантиради ҳамда Ташқи ишлар вазирлиги (ТИВ) ва Ахборот технологиялари ва коммуникацияларини ривожлантириш вазирлигига (АКТ вазирлиги) электрон шаклда тақдим этади.</p> <p>2. АКТ вазирлиги ТИВ томонидан тақдим қилинган консуллик округлар бўйича масъул дипломатик ва бошқа ваколатхоналар рўйхати асосида сайловчиларни хорижий давлатларда тузилган сайлов участкалари бўйича тақсимлайди ва “Сайловчиларнинг ягона электрон рўйхати”га тегишли тузатишларни киритади.</p> <p>3. Мазкур тақсимот асосида сайловчилар рўйхати ТИВнинг ҳимояланган тармоқлари, шу жумладан дипломатик почта орқали электрон шаклда хорижий давлатларда тузилган сайлов участкаларига етказиб берилади.</p> <p>4. Хорижий давлатларда тузилган участка сайлов комиссиялари (Хориждаги УСК) тақдим қилинган маълумотлар асосида 1-иловага мувофиқ электрон шаклда сайловчиларнинг бирламчи рўйхатини тузади.</p>	<p>27 ноябрь</p>	<p>ТИВ, ДПМ, АКТ вазирлиги</p>
<p>Сайловчилар рўйхатлари тўғрисида сайловчиларни хабардор этиш</p>	<p>1. Фуқароларга хориждаги УСКларнинг биноларида сайловчиларнинг бирламчи рўйхати билан электрон тарзда танишиш имконияти яратилади.</p> <p>2. Хориждаги участка сайлов комиссияси сайловчиларнинг бирламчи рўйхати билан танишиш усуллари, жойи, вақти ва сайловчилар рўйхатида йўқ фуқароларни унга киритиш тартиби тўғрисида дипломатик ваколатхоналарнинг расмий веб-сайтлари орқали сайловчиларни хабардор этади.</p>	<p>27 ноябрдан 7 декабргача</p>	<p>ТИВ</p>

Сайловчилар рўйхатларини аниқлаштириш	Хориждаги УСК лар қуйидаги усуллар орқали сайловчиларнинг бирламчи рўйхатига ўзгартишлар киритади: – сайловчиларнинг сайлов участкаларига берилган ёзма шаклда ёхуд ТИВнинг расмий веб-сайти (saylov.mfa.uz) орқали электрон шаклда берилган мурожаатлари асосида. Бунда электрон шаклда мурожаат қилган сайловчилар ҳақидаги маълумотлар ТИВ томонидан тақдим этилади; – хориждаги УСКга берилган мурожаатлар ва мавжуд бошқа маълумотлар асосида.	27 ноябрдан 7 декабргача	ТИВ, ДПМ, АКТ вазирлиги
Сайловчиларнинг якуний рўйхатини тузиш	1. Хориждаги УСК лар аниқлаштирилган сайловчилар рўйхатини ТИВ ва МСК га тақдим қилади. 2. ТИВ ўз навбатида УСКлардан олинган сайловчиларнинг якуний рўйхатини умумлаштирилган ҳолда ДПМга Сайловчиларнинг ягона электрон рўйхатига тегишли тузатишлар киритиш учун тақдим қилади. 3. ДПМ ҳамда АКТ вазирлиги билан ҳамкорликда Сайловчилар ягона электрон рўйхатига тегишли тузатишлар киритади.	7 декабрь 8 декабрь 9 декабрь	ТИВ, ДПМ, АКТ вазирлиги
Сайлов бюллетенларини етказиш	1. Округ сайлов комиссиялари (ОСК) хорижий участкалар томонидан тақдим қилинган сайловчиларнинг якуний рўйхати асосида сайлов бюллетенларини ТИВга сайловчилар рўйхатининг умумий сонидан келиб чиққан ҳолда 100,5 фоизда етказиб беради. 2. ТИВ сайлов бюллетенларини хориждаги УСКларга етказилишини таъминлайди (МДХ давлатларидан ташқари). 3. МДХ давлатларига сайлов бюллетенларини етказилишини АКТ вазирлиги Давлат фельдъегерлик хизмати таъминлайди. 4. Сайлов бюллетени ўнг томонининг юқори бурчагига хориждаги УСКнинг икки аъзоси имзо қўяди ва имзолар хориждаги УСК муҳри билан тасдиқланади.	7 декабрь 8-11 декабрь 11 декабрь	ОСК, ТИВ, АКТ вазирлиги, МСК Котибияти, “Uzbekistan airways” АЖ, “Uzbekistan airports” АЖ
Хориждаги УСК таркибини қайта кўриш	Хориждаги сайлов участкасидан муддатидан олдин кўчма сайлов кутиси билан овоз беришни ташкил этиш йўналишлари сони ва ҳар бир йўналишда икки нафардан аъзо бориши ҳамда хориждаги сайлов участкасида доимий равишда камида икки нафар аъзоси ҳозир бўлиш зарурлигини инобатга олган ҳолда хориждаги УСК аъзолари сонини зарурат бўлганда кўпайтирилади (5-19 нафар оралиғида).	11 декабргача	ТИВ, ОСК
II. Сайлов куни овоз беришни ташкил этиш			
Сайлов участкасини очиш	Сайлов куни овоз бериш биносида: – участка сайлов комиссияси аъзоларининг учдан икки қисми ҳозир бўлганда очилади; – Ўзбекистон Республикасининг Давлат мадҳияси ижро этилади.	22 декабрь соат 8:00 (маҳаллий вақт билан)	Хориждаги УСК, ОАВ, ФЎЎБОФМ Республика кенгаши

Овоз бериш бошланганлигини эълон қилиш	Участка сайлов комиссияси аъзолари ва кузатувчилар ҳозирлигида: – сайлов участкасидаги сайловчилар сони; – олинган сайлов бюллетенларнинг сони; – муддатидан олдин овоз берганлар сонини маълум қилади.	22 декабрь соат 8:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
Овоз беришни ташкил этишга тайёргарлик кўриш	Участка сайлов комиссияси аъзолари ва кузатувчилар ҳозирлигида: – сайлов кутилариининг бўшлигини текширади; – сайлов кутилариини бир маротаба ишлатиладиган пластмасса пломбалар билан пломбалайди; – пломбалар рақами кўрсатилган ҳолда далолатнома тузади; – комиссия аъзоларига: а) овоз бериш кунисидаги вазифаларни; б) далолатнома асосида сайлов бюллетенларини; в) сайловчилар рўйхатини тақсимлайди.	22 декабрь соат 8:00 дан кейин (м.в.)	Хориждаги УСК, ОАВ, ФЎЎБОФМ Республика кенгаши
Сайловчиларни рўйхатга олиш ва сайлов бюллетени бериш	1. Хориждаги участка сайлов комиссиялари овоз беришни дипломатик ваколатхоналардаги ички тартиб-қоидалари, режими ва уларнинг бошқа ўзига хос хусусиятларини инobatга олган ҳолда ташкил этади. 2. Фуқаролар дипломатик ваколатхона ички-тартиб қоидалари ва режимидан келиб чиққан ҳолда, овоз бериш хонасига киритилади. 3. Сайловчи хориждаги участка сайлов комиссиясининг аъзосига ўз шахсини тасдиқловчи ҳужжатни кўрсатади (паспорт – нобиометрик, биометрик, хорижга чиқиш ва дипломатик; Ўзбекистон Республикасига қайтиш гувоҳномаси). 4. Сайловчилар шахсини тасдиқловчи ҳужжат асосида идентификация қилинади ҳамда сайловчилар рўйхатининг электрон шаклига сайловчи овоз бергани тўғрисида хорижий УСК аъзоси томонидан ёзув киритилади. 5. Сайловчилар рўйхатидан кўчирмага сайловчи томонидан имзо қўйилганидан кейин унга сайлов бюллетени берилади ва яширин овоз бериш кабинасида овоз бериш имконияти яратилади. 6. Бузиб қўйилган сайлов бюллетени сайловчининг илтимосига кўра янгисига алмаштирилиши мумкин. Бузиб қўйилган сайлов бюллетенлари ҳисобга олиними, овозларни санаб чиқиш жараёнида бекор қилиниши (юқори чап бурчагини кесиш ёки сайлов бюллетенининг орқа томонида тегишли белги қўйиш йўли билан) ва алоҳида сақланиши лозим.	22 декабрь соат 8:00-20:00 (м.в.)	Хориждаги УСК, ОАВ, ФЎЎБОФМ Республика кенгаши
Овоз бериш яқунланганлигини эълон қилиш	1. Участка сайлов комиссияси раиси ёки раис ўринбосари соат 20:00 да овоз бериш яқунланганлигини эълон қилади. 2. Сайлов участкаси биносида ҳозир бўлган сайловчиларга овоз беришни тугаллаши учун имконият берилади (агар сайловчилар бор бўлса).	22 декабрь соат 20:00 да (м.в.)	Хориждаги УСК

III. Хорижий сайлов участкасида муддатидан олдин овоз бериш			
1-ҳаракат	Округ сайлов комиссияси томонидан хориждаги УСКларда муддатидан олдин овоз беришни ўтказиш вақтини белгилаш тўғрисида қарор қабул қилинади.	7 декабрь	ОСК, МСК Котибияти
2-ҳаракат	Хориждаги УСКлар томонидан муддатидан олдин овоз бериш вақти ва жойи тўғрисидаги қарор қабул қилинади ҳамда бу маълумотларни ТИВ, дипломатик ва бошқа ваколатхоналарнинг расмий веб-сайтида эълон қилинади. Ушбу маълумотлар сайловчилар мурожаатлари ёки хориждаги УСКларда мавжуд бошқа маълумотларга асосида тузилади ва хорижий давлатнинг ваколатли давлат идораси, сайлов ўтказиладиган жой (корхона, ташкилот, муассаса) маъмурияти билан олдиндан келишилади.	7-19 декабрь	Хориждаги УСК, МСК
3-ҳаракат	Хориждаги УСК томонидан муддатидан олдин овоз бериш тўғрисида ахборот хорижий ОАВ орқали (маҳаллий шароитларни инобатга олиб) ва бошқа йўллар билан сайловчилар хабардор қилинади.	7-19 декабрь	АОКА, ЭОАВМА, МТРК, “Дунё” АА
4-ҳаракат	Хориждаги сайлов участкаси <u>биносида</u> муддатидан олдин овоз бериш: – сайловчи сайлов бюллетенини олганлиги ҳақида тегишли участка сайлов комиссиясининг камида икки нафар аъзоси ҳозирлигида сайловчилар рўйхати кўчирмасига имзо қўяди; – сайловчи сайлов бюллетени махсус жиҳозланган яширин овоз бериш кабинасида ёки хонасида сайловчи томонидан тўлдирилади; – сайловчи тўлдирилган сайлов бюллетенини ёпиқ конвертда колдиради; – конвертнинг елимланган жойига участка комиссиясининг икки нафар аъзосининг имзолари қўйилиб, улар комиссиянинг муҳри ва овоз берувчининг имзоси билан тасдиқланади; – конверт тегишли участка сайлов комиссиясининг сейфида сақланади.	12-19 декабрь	Хориждаги УСК
5-ҳаракат	Муддатидан олдин кўчма сайлов қутисида овоз берадиган жойни сайлов ўтказиш учун зарурий инвентарлар (кўчма сайлов қутиси, яширин овоз бериш имкониятини таъминлайдиган кўчма сайлов кабинаси, стол устига қўйиладиган Ўзбекистон Республикаси Давлат байроғи, стол, стул, ноутбук (планшет), флеш қурилма номзодларнинг таржимаи ҳоли ва дастури акс этган плакатлар, муддатидан олдин овоз бериш вақти ва жойи тўғрисидаги хориждаги УСК қарори нусхаси) билан жиҳозлаш.	Муддатидан олдин овоз бериш бошланишидан олдин	Хориждаги УСК
6-ҳаракат	Сайловчилар зич ҳолда яшайдиган, ишлайдиган ёки ўқийдиган сайловчиларнинг турган жойида кўчма сайлов қутисида муддатидан олдин овоз бериш хориждаги УСКнинг камида икки нафар аъзоси иштирокида бино ва хоналарда ташкил этилади.	Муддатидан олдин овоз бериш куни	Хориждаги УСК, АКТ вазирлиги

	<p>Хориждаги УСК аъзоларида олдиндан пломбаланган кўчма сайлов қутиси ва қутининг пломбаланганлиги тўғрисида пломба рақами кўрсатилган далолатнома (2-иловага мувофик), полиэтилен қоп, пломба, УСКнинг муҳри ва 2 нафар аъзоси имзоси қўйилган сайлов бюллетенлари, сайловчилар рўйхатининг кўчирмаси (сайловчилар сайлов бюллетени олганлиги ҳақида имзо қўйиши учун) (3-иловага мувофик), сайловчилар рўйхатининг электрон шакли (ноутбук ёки бошқа техника воситасида) мавжуд бўлиши керак.</p> <p>Муддатидан олдин кўчма сайлов қутисида овоз беришни ташкил этаётган хориждаги УСК аъзоларига сайлов бюллетенлари далолатнома (4-иловага мувофик) асосида топширилади.</p>		
7-ҳаракат	<p>Сайловчилар шахсини тасдиқловчи ҳужжат асосида (паспорт – нобиометрик, биометрик, хорижга чиқиш ва дипломатик; Ўзбекистон Республикасига қайтиш гувоҳномаси) идентификация қилинади ҳамда сайловчилар рўйхатининг электрон шаклига сайловчи муддатидан олдин овоз бергани тўғрисида ёзув киритилади.</p>	Муддатидан олдин овоз бериш куни	Хориждаги УСК
8-ҳаракат	<p>Сайловчилар рўйхатидан кўчирмага сайловчи томонидан имзо қўйилганидан кейин унга сайлов бюллетени берилади ва яширин овоз бериш тамойилига риоя қилган ҳолда муддатидан олдин овоз бериш имконияти таъминланади.</p> <p>Бузиб қўйилган сайлов бюллетени сайловчининг илтимосига кўра янгисига алмаштирилиши мумкин. Бузиб қўйилган сайлов бюллетенлари ҳисобга олинмиши, овозларни санаб чиқиш жараёнида бекор қилиниши (юқори чап бурчагини кесиш ёки сайлов бюллетенининг орқа томонида тегишли белги қўйиш йўли билан) ва алоҳида сақланиши лозим.</p>	Муддатидан олдин овоз бериш куни	Хориждаги УСК
9-ҳаракат	<p>Сайлов бюллетени сайловчи томонидан яширин овоз бериш имкониятини таъминлайдиган кўчма сайлов кабинаси ёки хонасида тўлдирилади. Сайлов бюллетенини тўлдириш вақтида сайловчидан бошқа шахсларнинг ҳозир бўлиши тақиқланади.</p> <p>Сайловчи ўзи ёқлаб овоз бераётган номзоднинг фамилияси рўпарасида, ўнг томонда жойлашган бўш квадратга «+» ёки «✓» ёхуд «х» белгисини қўяди.</p> <p>Сайловчи тўлдирилган сайлов бюллетенини кўчма сайлов қутисига ташлайди.</p>	Муддатидан олдин овоз бериш куни	Хориждаги УСК
10-ҳаракат	<p>Муддатидан олдин овоз бериш тугаганидан кейин сайловчилар ва кузатувчилар иштирокида хориждаги УСК аъзолари кўчма сайлов қутисини очиб, унинг ичидаги сайлов бюллетенларини санамасдан махсус қопга жойлайди ва қопни бир марталик махсус пломба билан пломбалайди ва пломба рақами кўрсатилган ҳолда далолатнома (5-иловага мувофик) тузади.</p>	Муддатидан олдин овоз бериш куни	Хориждаги УСК, ОАВ, ФЎЎБОФМ Республика кенгаши
11-ҳаракат	<p>Сайловчиларнинг турган жойида муддатидан олдин овоз бериш тугаганидан кейин Хориждаги УСК томонидан белгиланган шаклдаги далолатнома тузилади. (МСКнинг 2019 йил 22 октябрдаги 966-сон қарори).</p>	Муддатидан олдин овоз бериш тугаганидан сўнг	Хориждаги УСК

	Далолатнома нусхаси ҳозир бўлган шахсларга уларнинг илтимосига кўра берилади. Фойдаланилмаган ва бузилган сайлов бюллетенлари далолатномага асосан хориждаги УСК раисига қайтарилади.		
12-ҳаракат	Сайлов бюллетенлари солинган қоп пломбаланган ҳолда далолатнома билан Хорижий сайлов участкасига олиб борилади ва сайлов куни овозларни санаб чиқиш жараёни бошлангунга қадар сақланади.	Муддатидан олдин овоз бериш тугаганидан сўнг	Хориждаги УСК
13-ҳаракат	Хориждаги УСК аъзолари муддатидан олдин овоз берган сайловчилар ҳақида СЯЭР га ўзгартириш киритади.	Муддатидан олдин овоз бериш куни	Хориждаги УСК, АКТ вазирлиги
IV. Овоз бериш натижаларини аниқлаш			
1-ҳаракат	Овозларни санашни бошлашдан олдин столлар бирлаштирилади, барча ёзув ашёлари (ручка, қалам ва бошқа воситалар) ҳаммининг эътиборига ҳавола қилинган ҳолда четга олиб қўйилади.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
2-ҳаракат	Сайлов қутиларидаги ва қоплардаги бир марталик пломбалардаги мавжуд рақамлар пломбалаш далолатномаларидаги рақамлар билан солиштирилади.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
3-ҳаракат	Участка сайлов комиссиясининг раиси ёки раис ўринбосари комиссия аъзолари билан биргаликда муддатидан олдин овоз бериш бюллетенлари солинган ёпик конвертларни сайлов қутисига ташлайди.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
4-ҳаракат	Фойдаланилмаган ва бузилган сайлов бюллетенлари санаб чиқилади ва юқори чап бурчагини кесиш ёки сайлов бюллетенининг орқа томонида тегишли белги қўйиш йўли билан бекор қилинади, бу ҳақда овозларни санаб чиқиш натижалари тўғрисидаги баённомага тегишли ёзув киритилади.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
5-ҳаракат	Стационар сайлов қути ва муддатидан олдин овоз беришда фойдаланилган сайлов бюллетенлари солинган қопларни очишдан олдин комиссия аъзолари томонидан: – сайлов куни сайлов бюллетени олган сайловчилар сонини аниқланади; – муддатидан олдин овоз беришда сайлов бюллетени олган сайловчилар сони аниқланади.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
6-ҳаракат	Сайлов бюллетенлари олган сайловчилар сони умумлаштирилади. Якуний умумий маълумотларни комиссия раиси эълон қилади. Сайлов бюллетенларини олган сайловчилар сони аниқлангандан сўнг овозларни санаб чиқиш натижалари тўғрисидаги баённомага киритилади.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши

7-ҳаракат	Сайловчиларнинг якуний рўйхати бўйича участкадаги сайловчиларнинг умумий сони аниқланади ва овозларни санаб чиқиш натижалари тўғрисидаги баённомага киритилади.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
8-ҳаракат	Сайлов участкаси томонидан олинган сайлов бюллетенларининг сони аниқланади ва овозларни санаб чиқиш натижалари тўғрисидаги баённомага киритилади	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
9-ҳаракат	Стационар сайлов кути ва муддатидан олдин овоз беришда фойдаланилган сайлов бюллетенлари солинган қопларни очилади. Бюллетенлар стол устига тўкилади ва овоз беришда иштирок этган сайловчилар (сайлов кутидаги ва қоплардаги сайлов бюллетенлари) сони аниқланади. Ҳар бир номзод бўйича берилган овозлар алоҳида-алоҳида санаб чиқилади ва ҳар бир номзодни ёқлаб берилган овозлар сони аниқланади	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
10-ҳаракат	Сайлов бюллетенининг ҳақиқийлиги шубҳа туғдирганда, масала участка сайлов комиссияси томонидан овозга қўйиш орқали ҳал этилади	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
11-ҳаракат	Белгиланмаган шаклдаги (ҳажми, ранги, қоғоз сифати, босмаҳона шрифти ва ҳоказолар бўйича фарқланувчи) шунингдек, участка сайлов комиссияси томонидан тасдиқланмаган сайлов бюллетенлари овозларни санаб чиқишда ҳисобга олинмайди ва ҳақиқий эмас деб ҳисобланади. Овоз бериш вақтида биттадан ортиқ квадратга “+” ёки “✓” ёхуд “х” белгиси қўйилган ёки битта ҳам квадратга бундай белгилар қўйилмаган сайлов бюллетенлари ҳам ҳақиқий эмас деб топилади. Улар саналиб, алоҳида боғлам қилиб ўралади ва уларнинг сони ёзиб қўйилади. Ҳақиқий эмас деб топилган бюллетенлар сони баённомага киритилади	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
12-ҳаракат	Санаб чиқиш тугаганидан сўнг, сайлов бюллетенлари овоз берилган депутатликка номзодлар бўйича алоҳида-алоҳида боғлам қилиб ўралади. Боғламда номзоднинг исми, фамилияси ва отасининг исми ёзилиб, овозлар сони кўрсатилади.	22 декабрь соат 20:00 дан сўнг (м.в.)	Хориждаги УСК, ОАВ, ФЎЎБОФМ Республика кенгаши
13-ҳаракат	Овоз бериш натижалари комиссия мажлисида кўриб чиқилади ва овозларни санаб чиқиш натижалари тўғрисидаги баённомада акс эттирилади.	22 декабрь соат 20:00 дан сўнг (маҳаллий вақт билан)	Хориждаги УСК, ОАВ, ФЎЎБОФМ Республика кенгаши

14-харакат	<p>Овозларни санаб чиқиш натижалари тўғрисидаги баённома тузилади (Баённома бланкаси МСК томонидан етказиб берилди).</p> <p>Хориждаги УСК сайлов участкасида овозларни санаб чиқиш натижалари ҳақидаги баённомани тасдиқлаш тўғрисида қарор қабул қилади.</p> <p>Шундан кейин комиссия аъзолари томонидан овозларни санаб чиқиш натижалари ҳақидаги баённома имзоланади ва УСК муҳри билан тасдиқланади.</p> <p>Баённома УСК раиси ёки раис ўринбосари томонидан ўқиб эшиттирилади ҳамда мазкур баённоманинг кўчирма нусхаси ҳамма танишиб чиқиши учун участка сайлов комиссияси биносига камида қирқ саккиз соат муддатга дарҳол осиб қўйилади.</p> <p>УСК баённомасининг кўчирма нусхаси ҳимояланган каналлар орқали ахборот-коммуникация технологияларидан фойдаланган ҳолда дарҳол тегишли округ сайлов комиссиясига тақдим этилади.</p>	22 декабрь соат 20:00 дан сўнг (маҳаллий вақт билан)	Хориждаги УСК, ОАВ, ФЎЎБОФМ Республика кенгаши
V. Хориждаги УСКларнинг ҳужжатларини архивга топшириш			
Сайловга оид ҳужжатларни топшириш	Хориждаги УСКнинг сайлов ўтказиш билан боғлиқ барча ҳужжатлари, жумладан овозларни санаб чиқиш натижалари тўғрисидаги баённоманинг асл нусхаси, сайлов бюллетенлари, сайловчилар Ўзбекистон Республикасининг дипломатик ваколатхоналари ва консуллик идораларига топширилади.	Тегишли сайлов округи бўйича сайлов тугаганидан 10 кун ичида	Хориждаги УСК
Сайловга оид ҳужжатларни етказиб бериш	Ўзбекистон Республикасининг дипломатик ваколатхоналари ва консуллик идоралари сайловга оид ҳужжатларни хориждаги сайлов участкаси бириктирилган округ сайлов комиссиясига архивга топшириш учун етказиб беради.	Тегишли сайлов округи бўйича сайлов тугаганидан 10 кун ичида	Хориждаги УСК, МСК Котибияти

Изоҳ.

1. Хорижий давлатлардаги Ўзбекистон Республикасининг дипломатик ва бошқа ваколатхоналарида очилган участка сайлов комиссияларининг фаолияти Ўзбекистон Республикаси Марказий сайлов комиссиясининг 2019 йил 23 июлдаги 924-сон қарори билан тасдиқланган Ўзбекистон Республикаси Олий Мажлисининг Қонунчилик палатасига, Халқ депутатлари вилоят, туман ва шаҳар кенгашларига сайлов ўтказувчи участка сайлов комиссияларининг фаолияти тартиби тўғрисидаги Низом ҳамда 2019 йил 22 октябрдаги 966-сон қарори билан тасдиқланган Ўзбекистон Республикасининг чет давлатлардаги дипломатик ваколатхоналари ва консуллик муассасалари ҳузурида сайлов участкаларини ташкил этиш тартиби тўғрисидаги Низом билан тартибга солинади.

2. Мазкур Ҳаракатлар режасидан белгиланмаган масалалар амалдаги сайлов қонунчилигига мувофиқ хориждаги УСК томонидан ваколоти доирасида қабул қилинадиган қарорлари билан тартибга солинади.

3. Мазкур Ҳаракатлар режаси Ўзбекистон Республикаси Ташқи ишлар вазирлиги, Ахборот технологиялари ва коммуникацияларини ривожлантириш вазирлиги, Вазирлар Маҳкамаси ҳузуридаги Давлат персоналлаштириш маркази, Фуқароларнинг ўзини ўзи бошқариш органлари фаолиятини мувофиқлаштириш бўйича Республика кенгаши билан келишилган.

**Ўзбекистон Республикаси
Ташқи ишлар вазири**

А. Камилов

2019 йил «26» ноябрь

**Ўзбекистон Республикаси
Ахборот технологиялари ва
коммуникацияларини
ривожлантириш вазири**

Ш. Содиқов

2019 йил «26» ноябрь

**Ўзбекистон Республикаси
Вазирлар Маҳкамаси
ҳузуридаги Давлат
персоналлаштириш маркази
директори**

Н. Тураходжаев

2019 йил «26» ноябрь

**Фуқароларнинг ўзини ўзи
бошқариш органлари
фаолиятини
мувофиқлаштириш бўйича
Республика кенгаши раиси**

Ш. Жавлонов

2019 йил «26» ноябрь